

16 APR 2003

Hari Pekerja-Tema

"BERSAMAMU MEMBINA DAYA SAING NEGARA" TEMA HARI PEKERJA 2003

KUALA LUMPUR, 16 April (Bernama) -- "Bersamamu Membina Daya Saing Negara" dipilih sebagai tema sambutan Hari Pekerja tahun ini.

Menteri Sumber Manusia Datuk Dr Fong Chan Onn berkata perhimpunan Hari Pekerja tahun ini akan diadakan pada 17 Mei ini di Stadium Putra Bukit Jalil dan dijadual dirasmikan oleh Datuk Seri Dr Mahathir Mohamad.

Perhimpunan Hari Pekerja itu berkonsepkan perpaduan tiga pihak bertujuan menerapkan semangat kerjasama antara kerajaan, majikan dan pekerja, di samping mengiktiraf sumbangan pekerja kepada pembangunan negara, katanya kepada pemberita di pejabatnya.

Perhimpunan dari 8 pagi hingga 12 tengah hari itu dijangka disertai 10,000 orang, katanya.

Fong berkata Perdana Menteri dijangka menyampaikan amanat khas Hari Pekerja serta beberapa anugerah Hari Pekerja.

Anugerah-anugerah yang akan disampaikan ialah :

- + Anugerah Tokoh Pekerja Lelaki dan Perempuan;
- + Pekerja Lelaki dan Perempuan Kategori Orang Kurang Upaya;
- + Anugerah Majikan Prihatin (kategori Majikan Besar dan Majikan Dalam Industri Kecil dan Sederhana);
- + Anugerah Majikan Berdaya Saing (kategori Majikan Besar dan Majikan Dalam Industri Kecil dan Sederhana);
- + Anugerah Kesatuan Sekerja (sektor awam dan swasta);
- + Anugerah Ladang Bahagia.

-- BERNAMA

ASH ZZA KHY